

Euskadiko Banku Publikoak ez duela aurrera egingo adierazi du PSE-EEK

Kutxa koefizienteak «ezin dira deszentralizatu» sozialisten ustez

Sozialisten aurkako sbotoaz Gasteizko Gobernu Kontseiluak herenegun onartu zuen Euskadiko Banku Publikoaren lege proiektua «bideraezina» dela iritzi dio PSE-EE alderdiak. Beren esanetan legearen arabera kutxa koefizienteak «ezin dira deszentralizatu» eta Espainiako Bankuak gestionatu behar ditu.

M. ARREGI / BILBO

Jose Luis Marcos Merino PSE-EE alderdiko idazkariordeak, Jon Larrinaga arazo ekonomikoetarako idazkari politikoak eta Roberto San Ildefonso Arabako Hazienda diputatu sozialistak jeltzaleen banku publikorako proiektua eta inbertsiorako eragingarri fiskalak salatu zituzten atzo Bilbon.

Marcos Merinok azpimarratu zuenez, PSE-EE euskal banku publikoa eratzearen aldekoa da «baina betiere ditugun ahalmenetan oinarrituta». Ildo honetatik, Euskal Autonomi Elkarteko kutxek eta mailegu kooperatibek Espainiako Bankuan jarriak dituzten kutxa koefizienteak ezin dituela legez euskal erakundeak bereganatu adierazi zuen. «Estatuko legeak ez du koefizienteen deszentralizaziorik onartzen, eta



Jon Larrinaga, Marcos Merino eta Roberto San Ildefonso buruzagi sozialistak.

XOUSE SIMAL

berdin gertatzen da Europako Komunitateko banku legediarekin». Euskadiko Banku Publikoak ezin duela kompetentzia banaketa aldatu gaineratu zuen sozialisten idazkariordeak.

Merinok «kezagarritzat» jo zuen banku proiektua hauteskunde aurretik atera izana eta Gasteizko gobernukideen kontrako iritziaz onartzen den lehen proiektua dela gogoratu zuen.

Sozialistek «banku kaudimendun, errentagarri eta kome-nigarri baten alde» egiten dute

apustu, koefizienteak Madril-en utziz.

Larrinagaren esanetan banku publikoa ez da «gure ekonomia-ren egoera hobetuko duen miraria». Ekonomia sailburu ohiak adierazi zuenez, bankuak zentzua dauka «sektore publikoa arrazionalizatu eta finantzaketa mekanismo merkeagoak lortzeko» bidean bakarrik.

Euskadiko Banku Publikoaren proiektu onartu berria ez dela aurrera aterako uste du Larrinagak. «Aurrera egingo duen

proiektua sozialistona izango da, bestea ez baita posible».

ERAGINGARRIEZ HITZ EGIN BEHARRA Sozialisten ustez «ez da bidezkoa»

Eusko Jaurilaritzak eta diputazioek onartutako inbertsioak bultzatzeko eragingarri fiskalez ez hitz egitea Bruselak hauen aurkako iritzia azaldu ondoren.

Ildo honetatik gaiaz «egun argiz» hitz egiteko deia egin dio PSE-EEK EAJ alderdiari. Erakundearen arteko akordioan jasotzen diren inbertsioak bultzatzeko neurri gehienekin ados daude sozialistak, baina Europako Komunitateak bezala ez dute onartzen zerga oporrik eta hala erakutsi dute EAEko hiru Batzar Nagusietan. San Ildefonsok azaldu zuenez, Ibar Ezkerra, Donostialdea eta Aiara-rako Bruselatik 'enpresa eskualde' izendapena lortzea proposatu dute Batzarretan, modu honetan zerga abantailak izateko. Gainera, enpresa berrientzako zerga oporren kasuan «urteetan zehar lanean ari direnak baztertuko ez dituen alternatiba» aurkeztu dute.

Legebiltzarrean EAJ eta PSOE-EE ados jar litezkeela iritzi dio Ardanzak

BILBO

Jose Antonio Ardanza lehendakariak posible ikusten du EAJ eta PSE-EE alderdiek Euskadiko Banku Publikoaren inguruan akordioaren bat lortzea, lege proiektua Eusko Legebiltzarrak eztabaidatzen duenean.

Sozialistek herenegun proiektuaren aurka bozkatzeari ez zion garrantzi handirik eman Ardanzak. «Eusko Legebiltzarrean denbora izango dugu eta nik uste dut borondaterik badagoela akordioa lortzeko» adierazi zuen atzo Bilbon.

Eusko Jaurilaritzako bi alderdien arteko harremanetarako arazo honek ekar litzakeen eragozpenaz galdetu ziotenean, Ardanzak hauxe erantzun zuen: «Tentsiorik ez izateko modu bakarra bata bestearen nahietara makurtzea da eta gobernatzeko sistema ez da hori, gauzak elkarrekin egitea baizik».

Proiektu honetan urte t'erdi

lan egin ostean, alderdi biek nolabaiteko akordioa hartu dutela zehaztu zuen lehendakariak, baina «zenbait puntu jakinetan ez da akordioa lortzerik izan, batez ere erakunde honen baimenari eta kutxa koefizientei dagokienez».

«Hortik aurrera, kontua ez da eztabaidatzen jarraitzea: A motako edo B motako bankua da. Bi ereduz hitz egiten dugu. Kontua da urrats hori emango dugun edo ez eta nire erantzukizuna urrats hori ematea zen eta horrela egin dut» azpimarratu zuen.

EAEko ekonomia suspertzeko helburuz gizarte ituna sinatzeko negoziazioak berriz ere zabal-tzeko sindikatu batek azkenotan egindako deia dela eta, Ardanzak gogoratu zuen aurreko saioak zergatik egin zuen porrot: «Sindikatu batzuk ez zeuden prest inolako akordio orokorrik hartzeko eta egoera hori ez da aldatu. Beraz, dei horiek hitzak baino ez dira, inolako erantzun zehatzik ez

daukatenak». Jose Antonio Ardanza lehendakaria Bilboko Alde Zaharrean egon zen atzo bisitan, Josu Ortuondo Bilboko alkatearekin batera, bertako merkatariek gonbidatuta. Ardanza merkatariei hauen ordezkariekin izan zen sektoreko arazoez hitz egiten.

PP: «Ez du EAEko ekonomia hobetuko»

DONOSTIA

Gregorio Ordoñez EAEko PP alderdiko eledunak ez du uste Gasteizko Gobernuak onetsitako Euskadiko Banku Publikoak Autonomi Elkarteko ekonomi arazoak konpontzen lagunduko duenik.

Ordoñezek ez du ulertzen «entitate hau eratzeko gogoia EAEko gordailuak gestio-natzeko helburu soilarekin, gaur egungo joera Europako Banku Publikoa eratzea denean».

PPren ustez, garrantzitsuena sektore pribatuari laguntzeko politikak dira eta ez nork dauzkan aurrezki kutxen gordailu hauek. Horregatik, «Eusko Jaurilaritzaren ahaleginak langabezia gutxitzea eta enpresak konkurrenteak egitera bideratu beharko lirateke, eta ez ezertan laguntzen ez duten tentsioak sortzea».

UA: «EAJren beste gaiztakeria bat»

GASTEIZ

Pablo Mosquera Unidad Alavesa alderdiko idazkari nagusiak atzo adierazi zuenez, bere alderdiak ezetz esango dio Eusko Legebiltzarrean Euskadiko Banku Publikoa eratzeako proiektuari, eta berau «PSE-EEK amore eman duen EAJren beste gaiztakeria bat» dela gehitu zuen.

Eusko Jaurilaritzak herenegun onetsitako proiektuak «estatalismo hutsa egitea» ekarri du eta «gainontzeko elkarre autonomoei kalte egiten die, Estatuaren «antolakuntza hausteko helburuz» eta «euskaldunok inor baino harroputzagoak garela esateko».

UAko idazkari nagusiak azpimarratu zuenez, Jose Luis Larrea Hazienda sailburuak aurkeztutako «euskal bankutxo honen helburuak», hala nola, inbertsioa sustatu eta ekonomi fluxuak hobetzea, «txoriak eta loreak dira».

XII. SAGARDO EGUNA

USURBILEN

Maiatzak 23 Igandea

☐ Erakusketa Bilduma Pedagogikoa larunbat arratsalde eta igandez.

☐ 45 sagardo dastagai.

☐ Herri giroa egun osoaz.

ZATOZTE !!